

桂
洲
詩
集

桂洲詩集卷之第十四

特進光祿大夫太子少師上柱國李太師高平郡公李善終夏言撰

詩 七言律詩三十六首

應制一十七首

恭和 御製謁 陵次 皇考韻

恭和 御製丙申秋露既降祭 陵

奉 聖母觀途中景作二首

恭和 御製韻再得二首

恭和 御製 禘祭得祥詩

恭和 御製春分祭 大明道中作

恭和 御題漢江

恭和 御製栢鄉縣定 陵次規制

有感

恭和 御製朝泛舟于金海五首

恭和 御製元旦作

恭和 御製夢續律韻

賀雨

扈從七首

侍上祀陵回奉聖母泛舟西

湖用輔臣李時韻二首

扈駕謁陵恭述

侍上泛舟西湖恭述二首

侍上泛西湖舟中次同官臣時韻

麥浪

典禮一十二首

南郊作

地壇齋居用函谷許少宰韻東晉溪

王太宰

陪 駕祀穀祗壇從西苑臨泛太液

和亭溪翰長韻二首

遣祀 帝王廟齋夕

春日西苑陪祀畢歷覽有作二首

代祀先農

丙申二月二日丁亥 上遣攝祭

先師孔子

春享齋居

辛丑冬至分獻 夜明壇

壬寅元旦奉 命永明殿代奉 先

聖先師

七言律詩三十六首

應制一十七首

恭和 御製謁 陵次 皇考韻

五雲長日護燕山王氣千秋滿漢關 烈祖
逐胡開 帝統 神宗靖內滅臣姦玄袍楚
澤三江遠 龍袞星垣萬國環天眷 考皇
生 聖主 七陵親掃雨苔斑

恭和 御製丙申秋露旣降祭 陵

奉 聖母觀途中景作二首

春秋

陵祀重彝章猶念松楸兩

帝鄉

恭指

孝陵

雨露已申哀慕切江湖偏繫夢思長

堯仁

舜孝今誠見

武烈文謨世不忘獨

有微臣遭盛際屬車叨首從班行

曉日

慈輿出建章六龍齊駕五雲鄉禁林

白露經時早輦路青山入望長鳳轂親扶隨

勝賞霞觴頻捧自懽忘七陵松柏蕭森裏

掩映千官駕鷺行

恭和 御製韻再得二首

遙瞻奎壁煥天章 御筆秋揮烟霧鄉
百里園陵親祀重 萬年丘壑慶源長
才兼文武真難得 志切安危耿未忘
聖主中宵賜 清問小臣前席愧周行

才疎廊廟愧平章 運際風雲戀帝鄉
爲孝爲忠心獨苦 憂民憂國思偏長
風波險道真堪畏 天地深恩敢暫忘
何幸遭逢聖明主

囊封曾草數千行

恭和 御製 禘祭得祥詩

歲丙時維孟夏良廟成 禘祀降初皇舟袍

已兆 文孫喜圭王仍占燕翼祚 武烈文

謨思繼述 神功 聖治戒愆忘膺 天眷

命惟休德報主忠貞有素腸

恭和 御製春分祭 大明道中作

大駕登途第二辰首嚴時祀大明神三春

八房溪懷 廿千里 山陰總爲 荆 王
璽新傳元子詔翠華深扈小臣心神謨聖略
誰能識鳳穴龍淵定有真

恭和 御題漢江

南土 園陵展謁初 孝情廿載一朝舒
純山王氣洪流遶潛邸龍光濟發於四狩遠
稽虞典在九河真藉禹功疏 聖王禮樂于
今盛輔贊 皇猷祗媿予

恭和 御製栢鄉縣定 陵次規制

有感

三極初分治理張 聖王立教振天綱 君
臣義重忠爲至 父子恩深孝乃常 夫婦正
家人道懿 本支承世國圖良 明倫正俗稽
隆古再造乾坤屬我 皇

恭和 御製朝泛舟于金海五首

朝雲覆苑曉光舒 金海澄澄浸碧蕖 水榭清

涼方漸入荷亭炎暑却無餘
龍檣插漢驚

飛鳥錦纜牽波狎戲魚正是禁遊歡不極

聖情猶自念親娛

帝苑風光夏日舒龍舟金海蕩芙蕖
宸遊

對景歡無極御筆裁詩興有餘東望朝陽

鳴彩鳳中流僊樂感遊魚傷心却憶西湖曲

想像慈顏舊日娛

苑樹陰陰雲氣舒龍池十里漾紅蕖波心日

動光無際水面風來香有餘柳蔭金堤棲瑞
鶴萍開碧渚躍神魚樓船簫鼓中流發永祝
千秋萬歲娛

太液天清萬景舒金明雲淨出芙蕖兼葭色
映波亭外菡萏香浮水殿餘翠葆紅粧驚鶴
鶴畫橋彩鷁動龍魚金鰲玉螯星河上萬歲
長留聖主娛

金海波澄日未舒曉風清露浥芳葉西遊歌

吹三秋隔南望·園陵二載餘蓮嶽謾誇生
巨籍麥莊曾憶獻靈魚龍舟鳳舸今辰樂莫
奉慈闈盡日娛

恭和御製元旦作

元日欣逢七日春陽和遍布聖皇仁百年
禮樂郊禋正萬國謳歌泰道伸協一治同
天地大執中學得帝王醇微臣薄劣何裨
補只有丹心老更真

恭和 御製夢續律韻

萬化由來本一真
要知真一卽吾神
真通靈境方成覺
妄入迷途總屬因
炯炯性天無滓翳
茫茫幻海有玄津
龍舟諦聽真詮句
妙道窮探仰聖人

賀雨

聖主精神格上玄
帝壇靈雨潤敷天
僊瓢倒注銀河水
雷斧飛通玉井泉
滴滴千金資

下土穰穰萬寶卜豐年老臣起舞歡成劇中
夜衝泥拜 御前

扈從七首

侍 上祀 陵回奉 聖母泛舟西

湖用輔臣李時韻二首

龍袞春乘湖上船青山芳樹帶遙天翠牽菱
荇搖晴浪碧映菰蒲生暖烟夾岼風雲爭擁
護中川霞日共澄鮮 皇情樂在 慈顏喜

歌吹休停淥水前

玉輦春山處處隨龍舟臨泛重 恩私江湖

夙抱先憂志魚水真逢不世知日映遠波搖
羽扇風迴弱柳颭牙旗烏歌花舞西湖曲總
爲吾 皇獻壽卮

扈 駕謁 陵恭述

九重法駕出長安 聖主威儀陋漢官今日
園陵脩俎豆一時陪從盛衣冠彝章賴有

三朝典盛事須令萬代看獨荷
寵靈叨扈
蹕每依王輦據雕鞍

侍上泛舟西湖恭述二首

春水龍舟天上來重湖渺渺鏡光開魚龍爭
聽簫韶出鷗鷺翻驚僊仗回三月烟花明錦
繡五陵雲氣繞蓬萊宸遊此際歡無極愧
乏枚臯獻賦才

湖上青山雨後明水波不動柳風清鸞簫鳳

管雲中度錦纜牙檣畫裏行萬里河山歸指
顧百年民物見昇平欲知 聖主宸遊樂思
孝承歡總至情

侍 上泛西湖舟中次同官臣時韻

同隨 王輦侍 宸遊兩度西湖 賜泛舟
遲日暖風喧鳳吹綠波春水映龍樓千條楊
柳垂芳渚十里蒹葭浸碧流自誓涉川思共

河 才見女沙才至西

桂洲集卷之四

麥浪

大江千里遶青山天子旌旗春日還
白叟黃童增戀戀
龍田阡麥正斑斑
黃雲遍野千家望
翠浪盈眸萬頃閒
况喜靈霖三月降
適同恩詔九重頒

典禮一十二首

南郊作

中天新起大壇高
法象圓靈帝座遙
遙萬里

星辰環北極九重日月映南郊
先王典則聞千古聖主經營見一朝
章句小儒何慶幸得於趨走效微勞

地壇齋居用函谷許少宰韻柬晉溪

王太宰

高臺同夕坐風簷福地重逢話
夙緣北郭主人非舊館南郊故事有
新篇冠裳身共朝天日俎豆壇開祭
地年中夜齋心同上宰德星

光動泰階前

陪 駕祀穀祗壇從西苑臨泛太液

和亭溪翰長韻二首

農祀恭陪立社初
省耕叨侍萬機餘
宮前草色迎僊仗
禁裏花香襲帝裾
御幄平臨瞻日近
翠華遙下自天如
春風秘苑同遊地
未信瀛洲別有居

日上臨漪明碧檻
雨晴太液漾金波
蘭舟泛

曉分萍荇玉殿藏春隱薜蘿樂擬游汾清興
極賜霑燕鎬渥恩多豳風無逸開新構歲
歲年年御輦過

遣祀帝王廟齋夕

聖主精誠崇禘祀明廷幾度下音綸千秋俎
豆神靈遠萬代瞻依典制新楚楚英僚同王
署迢迢良夜對楓宸太平有象天心格坐見
中原產鳳麟

春日西苑陪祀畢歷覽有作二首

芝壇春祀省耕初翠輦天回扈從餘鳳苑烟
花開別殿龍池雲藻映華裾使傳星漢檜虛
遠僊擬瀛洲畫不如遙羽獨慚詞賦客濫竽
同仰 帝王居

西苑新瞻祀穀初詞臣清賞駿奔餘舟移太
液雲霞曙風動僊班侍從裾 萬乘勸農勞
太劇九秋登稼樂何如佇看大有書青史猶

歛神功不自居

代祀先農

絳紗籠燭度松林壇上春雲澹結陰正以農
祥占物候祗將禋祀答宸心冠裳謁謁昇
平象金石泮泮大雅音稷黍會登千畝籍間
閭先溥萬方霖

丙申二月二日丁亥 上遣攝祭

先師孔子

代祀初承 帝命尊朝回冠蓋擁橋門夜垣
燎火星辰動春殿登歌俎豆繁禮樂百年文
獨盛經綸千古道長存精禋敢昧通神理淺
薄真慚贊化元

春享齋居

月華春水雪光寒獨坐南宮清夜闌歷歷漏
聲虛左掖沉沉春色靜長安明禋允協神人
理寅直仍慚禮樂官曉夢五雲俱縹緲珮隨

龍袞陟瑤壇

辛丑冬至分獻 夜明壇

六十老臣初白頭八陪 龍輅事 園丘萬
年肇舉 皇天用千古仍燔至日牛神享夜
明光炯炯禘占雲物氣浮浮太平 天子真
堯舜四海于今霈澤流

壬寅元旦奉 命永明殿代奉 先
聖先師

元旦焚香拜聖人年年除夕 遣元臣千秋
道統吾心在一代王綱治教新扶世定須周
禮樂濟時全仗魯曾經綸鳳池自合雙龍集此
日冠裳愧後塵

桂洲詩集卷之第十四終

桂洲詩集卷之第十五

謹茲采蘋 興李太師新書畫堂殿學書溪夏言謨

詩 七言律詩二十九首

館閣一十四首

春日漫述

早朝

初入院視事喜雨顧未齋即席有作

見贈次韻奉答

內閣閱卷偶述

西原聚奎堂夜出試題

春日堂試諸生

夏日試就職貢士有感用示僚屬兼

慰諸生

秋日堂試諸生

閱卷有述

禁中

省樹重榮

早入 承天門見鴉

書介谿卷次崔後渠張陽峰南宮賞

蓮之作二首

感述一十五首

蒙 恩免除軍伍開立官籍感 恩

志喜泣下成章二首

西苑上疏 面辭有感

看新曆漫述

上新賜直房志感

又用前韻

宣入西苑 賜食臘麵

聖恩注酒 賜飲紀事二首

賜宴禮部恭紀 恩遇二首

叨官一品九年考滿同省舉宴爲賀

感茲盛情卽席賦

介谿少保鐘石司馬見和再疊二首

庚午觀榜

詩 七言律詩二十九首

館閣一十四首

春日漫述

二日逢春春日明
鮮雲藹藹冠層城
千官拜表當華歲
萬國朝元歌太平
水岼烟濃將柳色
花林風暖欲鶯聲
揮毫未獻椒盤頌
鳴土

朝來下紫清

早朝

西月欲墮明星高
城柝罷擊鷄羣號朱門華
燭尚呼酒青衫白馬仍趨
朝爐香三殿合
烟霧鐘聲雙闕開雲霄
聖主宵衣萬方喜
小臣拜舞歌唐堯

初入院視事喜雨顧未齋即席有作
見贈次韻奉答

青宮盡日勞僊從王署芳筵又一時細雨歌
鐘懽不極春風門館靜無私人間信是蓬瀛
地天上常瞻龍鳳姿何幸趨陪有前輩願
從晚節副深期

內閣閱卷偶述

閣前黃菊花仍發院裏朱衣人復來垣隱竹
梧閒鳥雀日高宮闕靜風雷揮毫忝竊絲綸
地補袞還須黼黻才昨夜中天看氣象月明

雲淨見三台

西原聚奎堂夜出試題

複院重門棘四圍
廣筵燈燭倍光輝
西垣鐘鼓傳清禁
東壁星辰應紫薇
閣老芳樽開夜酌
舍人彩筆向春揮
天家咫尺封題進
開戶蒼茫日已晞

春日堂試諸生

高堂風日清且妍
乳鴉老鶴鳴堦前
青衿聊

試大人賦彩筆獨賀陽春篇 聖朝人文藉
儒術振古治理須才賢要知師道同相業無
嗟白髮悲寒氊

夏日試就職貢士有感用示僚屬兼
慰諸生

涼雨堦前老鶴鳴高堂長日試諸生秋風桂
闕飛騰意春水龍門變化情信有朱衣能指
點懸知藻鑑自分明 聖明雅重師儒職莫

負從來教養成

秋日堂試諸生

簷際高槐翳午陰
秋堂小試列青衿
文章底用過人技
事業須存濟世心
彩筆好携歸棘院
羅衫行剪赴瓊林
主司偶憶歐陽子
興逐春簾作短吟

閱卷有述

聖主求賢重武闡
侍臣供事輟朝衣
辭天曉

日龍顏近入院清宵禁漏稀遂有文章驅
彩筆會看韜略動神機十年兩預掄材地忝
竊仍慚報稱微

禁中

池上亭臺虛映波風迴鈴索亂鳴珂春歸獨
樹花香在夜未中天月色多入侍共憐金殿
直端居遙想翠華過詞臣未獻明廷頌聖
藻先傳清廟歌

省樹重榮

少宰能窺造化微坐令枯朽發春輝天爵柯
榦豈無意時會風雲真有機簷映高花紅著
錦牕含密葉綠成圍即看晚結纍纍實彩筆
題詩興欲飛

早入承天門見鵝

城頭肅肅萬鵝飛故繞龍樓戀曉暉紛若
朝臣花底散疾如征士塞邊歸聲傳朔吹羣

相應影入寒空陣轉稀
占却上林多少樹
五雲朝暮自依依

書介谿卷次崔後渠張陽峰南宮賞

蓮之作二首

亭開來玉紫雲邊

予作亭公署之左適拜
官保賜王因名之來王

獨

記盆池舊日蓮

予即亭前置一盆池
歲歲植蓮與客賞之

一入黃

扉經歲月獨憐畫省隔風煙
即看瑤席花間
句劇想瀛洲醉裏僊
秋閣捲簾揮彩筆
客心

飛動菊盃前

舊游回首隔南宮尚憶槐亭竹院風幾向亭
中畱醉客忽從畫裏羹諸公僊臺王露滋新
萼御苑天香遶故叢寶墨樓前兩盆沼今年
花勝去年紅

感述一十五首

蒙 恩免除軍伍開立官籍感 恩

志喜泣下成章二首

百年板籍脫戎行此日君恩詎可忘御
筆親題除豁字王音嘉答謝陳章簪纓門戶
從今重雨露松楸倍有光傳與雲仍思報稱
祇將忠孝作肝腸

白頭老祖從軍日弱冠先君解衛年家世艱
危憂墜地聖恩廣大賴同天甲科名紀

三朝錄

思父子登庸在成
化弘治正德間

仕版官登八座縣

積德從來如種獲獨思庭訓倍潛然

先君嘗
述高曾

積善事跡言於兒時有聞又嘗語言曰爾宜
勤學將來位至尚書庶可脫我家軍伍今日
之事若持左券吾寧不悲

西苑上疏 面辭有感

迎和曉日映金鋪咫尺瞻天拜手餘國
事有懷空激切君恩難報重躊躇敢貪林
壑辭三釜欲向松楸奠一盂獨立蒼茫雙涕
淚老天於我意何如

看新曆漫述

六壬歲首再逢寅甲子從頭又一新世上三元
誇百壽山中七日咲千春直將好景酬歡
劇莫把閒情起怒嗔正氣由來合天地行藏
吾只任吾真

上新 賜直房志感

秘殿東頭內直廬傳宣 賜與輔臣居雕甍
繡闥連金屋碧瓦朱牕對玉除不寢夜聞閭
闔漏有時晴檢太清書鳳池又沐 恩波闊

更在蓬萊萬仞餘

又用前韻

幙被朝來赴直廬五雲清夢繞
宸居燒殘宮蠟宵方未飲罷
天漿病已除苑裏每聞
僊界樂御前親賜紫皇書
王堂舊是承恩地遭際吾生幸有餘

宜入西苑 賜食臘麵

玉饌雕盤絡繹來長春僊酒出金壘
恩隆

臘日先推食感極寒宵數舉盃 御札喧呼
傳內使大官奔走急輿臺直廬秉燭歌周雅
湛露灑灑被草萊

聖恩注酒 賜飲紀事二首

殿中春酒賜宵分 恩雨鳴簷合殿聞滿注
霞漿勞御手光傳寶翰識 神文豐年此日
歡相語盛典它時倍可論 天眷明明昭敬
德太平勲業賴吾君

雨聲蕭瑟釀寒春 天語傳來意轉親
朱袖倚看沾欲濕 花磚行遶淨無塵
銀盃寵帶宮醪潤 翠筵榮沾帝澤新
珍重聖恩千載遇 白頭何幸愧微臣

賜宴禮部恭紀 恩遇二首

嘉辰北闕 皇恩降春酒南宮 御宴開肉
食久慙霑厚祿 布衣何意忝元台
經綸大業 臣無補禮樂中興 聖所裁
獨遠遷千載

下獲從喜氣咏康哉

聖朝禮重開賓宴南省堂高近北辰鳳闕暖
風來四座龍池膏雨及三春冠裳秩秩趨陪
盛鐘鼓皐皐寵數新一代幾逢今日典百
年真愧草茅身

叨官一品九年考滿同省舉宴爲賀
感茲盛情卽席賦

匡廬彭蠡共高深北闕軒裳慶盍簪一品

閣銜叨九載百年鄉宴重千金公卿衮衮相
先後文獻彬彬自古今梓里他時傳盛事
鳳池三月發春吟

介谿少保鐘石司馬見和再疊二首
春雨沉沉禁漏深清尊銀燭聚華簪宦情忝
竊先拖玉鄉話分明可斷金 聖世遭逢同
不偶舊邦人物盛于今不緣此日開懷劇那
得揮毫對客吟

春日花枝照酒深
巾中短髮愧朝簪
雲霄會合真千載
鄉曲過從直萬金
宴錫南宮叨預昨
筵開東第又逢今
貂璫入夜傳宣急
不盡畱懽刻燭吟

庚午觀榜

紅日初升虎榜開
萬人歡動殷晴雷
文章浪擬登高選
名字還慙列亞魁
憶昔趨庭心獨苦
追思遺訓意先摧
捷書走報慈闈下
悲喜

應知并老懷

桂洲詩集卷之第十五終

桂洲詩集卷之第十六

特選先朝舊集李太白詩集卷之十六

詩 七言律詩六十五首

旅况三十八首

辰溪公館面對鐘鼓洞山次劉德夫

年叔韻

柰源道中觀漲

燕莊鋪橋斷沮水

五月一日寓清浪次大叅朱凌谿韻
五月四日寓清平公館蔡霞山少叅
李心齋憲副攜酒夜過

清平道中

晚次平越劉少叅一菴招飲

龍里公館次張憲副天翊二首

貴州提學署王雪堂次張合溪韻

盤江郵壁次韻一首

曲靖與胡侍御對酌用朱凌谿韻二

首

宿平壩衛

龍陽舟中

病淹岳州乾明寺

平溪道中

宿君山舖憶君山

晚至寧鄉次謝邦用韻畱寄毛侍御

東塘

曉發寧鄉適長沙道中疊韻寄韋尹
晚渡湘水入長沙

宿宣風公館次王陽明韻

離京寄東省僚

良鄉公館次毛東塘壁間韻

良鄉次樊述菴韻

固城道中用韻懷京朝諸友

至定州

次武清東樊侍御張戶部

渡渾河

房山縣與樊張二子夜坐

房山野望

房山夜宿

閤城次范侍御以載韻

過桐廬縣

次浙江驛壁間韻

瓜州次張侍御珮玉韻

與蔣道長飲陸源靜舟中

遊覽二十五首

題平臺山

題陽翠嶺

過功德寺

過雲溪洞

登長春觀昊天閣

登黃鶴樓

仲冬同樊侍御張地官遊房山龍泉

洞三首

河南文場明遠樓次毛汝礪韻

次范明府

平遠臺次許黃門韻

奉陪李提學高分巡遊溪南

奉次空同過象山書院韻二首

次撫州陳太守汝昌登玄穹閣

春日與諸子冠山北望

遊僊巖

遊僊巖入舟

三峰亭觀漲

登金山寺次鎮江林太守韻

奉陪陸儼山先生登太白樓

遊上天竺次邃翁元老韻

九里松道中

邊塞二首

清平道中見蔡少叅霞山平苗後磨

岨大書

清平喜諸公平香爐山苗功成甚偉

次壁間韻

七言律詩六十五首

旅況三十八首

辰溪公館面對鐘鼓洞山次劉德夫

年叔韻

白石蒼厓夏氣清
洞雲鐘鼓寂無聲
一城闌闌依山轉
半壁樓臺傍水成
豈有吳船來午夜
謾勞楚客聽嚴更
新晴何日煩相報
會喜泥乾嶺路平

梹源道中觀漲

一夜雨聲喧不徹
曉看新漲失江臯
驚濤觸石傾巴峽
高浪浮空上浙潮
鷗鷺不知緣底喜
魚龍莫漫自相驕
中流巨舸何超忽
萬里歸心羨爾曹

燕莊舖橋斷阻水

水斷松橋路不通
眼前真乏濟川功
惡溪忍見波濤洶
密雨愁看雲霧重
幽谷潛厓號鬼魅
深山大澤走蛇龍
停車夜向田家宿
坐待

扶桑曉日紅

五月一日寓清浪次大叅朱凌谿韻
瘴嶺蠻溪悲道路紫蒲白艾送年華
朱國使節南征遠綵扇宮恩北望賒
佳節長年偏在客清秋何日定還家
豈緣寸廩甘馳逐報答君親未有涯

五月四日寓清平公館蔡霞山少叅
李心齋憲副攜酒夜過

明朝更酌端陽酒。今雨聊同御史臺。萬里驚心逢令節。百年開口仗深杯。風塵獨領遐方使。尊俎雙看老將才。踪跡天涯未寥落。共依南斗望三台。

清平道中

五月五日度清平。萬壑千峰冒雨行。何處渡頭笳鼓競。誰家席上管絃聲。旣無竹葉開懷分。不用榴花照眼明。去歲茲辰朝御闕。午

門東宴被恩榮

晚次平越劉少叅一菴招飲

已拚佳節蕭然過誰啓芳筵待我來四海衣
冠千里合百年懷抱兩人開山城細雨明官
燭野館清歌送客盃同是傷心趨走地不須
回首望鄉臺

龍里公館次張憲副天翊二首

朔雪胡塵飛浩蕩蠻烟瘴雨結模糊一身極

北三年客五月天南萬里途
病骨儘堪詩彈壓
愁心應藉酒昭蘇
路難不爲山川嶮
度嶺何妨聽鷓鴣

風塵凋盡錦鞍韉
玉節橫開瘴嶺烟
亂石峻嶒疑卧虎
怪禽宛轉誤啼鶯
三更邏卒吹花角
五月苗民種秫田
塞北江南萬餘里
白雲紅日望中懸

貴州提學署王雪堂次張合溪韻

玉雪堂虛晝日晴蜀葵花發映分明層軒面
面風雲氣高棟時時燕雀聲多士劇知沾化
育殊方近喜樂昇平停車此地藉疎豁坐入
晚山烟翠橫

盤江郵壁次韻二首

江出蠻夷毒有名驅車炎月更兼程鴉關暮
向龍門過象嶺朝從鳥道行霧雨忽來山腹
暗瘴雲遙起馬頭明畏途孤旅當誰問素壁

題詩待衆評

岡頭路下數十里澗底潭深幾百尋
山夾水流形獨險草依林茂氣多淫
幘帷苦被炎蒸逼肌骨都忘瘴癘侵
寂寞天涯孤旅迹不堪回首故園心

曲靖與胡侍御對酌用朱凌谿韻二
首

黔中長夏氣如春萬里南來眼較新
瘴癘夷

荒初出險山川物色頗宜人宦途踈助同飛
鳥故里音書斷錦鱗薄劣明時合翹走桑蓬
元屬丈夫身

庭花砌草映生春短榻疎齋夏氣新晚枕竹
涼輕破夢曉簾山色巧當人絕憐嘉木交黃
鳥最愛幽池泳錦鱗劇飲狂歌對知己直須
忘却異鄉身

宿平壩衛

落日荒城生紫烟攢峰疊嶂盡屏連行雲帶
雨穿松塢野水流香出稻田蟲響空山秋榻
靜月斜孤壁夜堂偏不眠起坐千憂集城角
無端到枕邊

龍陽舟中

疎林紅葉經秋雨斜日青山報晚晴潦水淨
涵鴻鴈影涼風時送棹歌聲回看越雋心應
折自入沅湘夢亦清歸客轉憐歸路好畫船

真在畫中行

病淹岳州乾明寺

借得蒲團小結趺雨簷蘭葉對清孤逢僧未
問三生事奉使方懸萬里途歷歷家山雄石
鎮瀟瀟風雨洞庭湖繁愁不爲詩篇輟多病
深憑藥餌扶

平溪道中

天末涼風吹客衣扁舟八月楚江歸芙蓉細

雨娟娟淨楊柳疎烟冉冉稀幾箇嶺猿緣澗
落一雙水鳥傍船飛沅湘東下堪乘興故里
登高願不違

宿君山舖憶君山

停車一宿君山舖遙憶君山渺洞庭秋館今
霄月皎皎春帆前度雨冥冥魚龍水落三江
黑島嶼雲浮萬木青寺下僧船容客泛樓頭
僊笛許誰聽

晚至寧鄉次謝邦用韻畱寄毛侍御

東塘

七月風塵萬里程南旋車馬復東征客心遙
逐歸鷗色鄉信初驚過鴈聲地入楚鄉家漸
近邑連秋水眼偏明薄才虛捧天王節到處
頻勞地主迎

曉發寧鄉適長沙道中疊韻寄韋尹
川途歷盡復山程車馬蕭蕭尚遠征霧隱溪

流分曉色風含林樹動秋聲
長沙一望青山近湘水遙
憐白鷺明郡酒可能留客
醉
岼花空憶向人迎

晚渡湘水入長沙

秋風鼓楫渡清湘落日孤城一水長
送客有花歌遠岼留人無燕語危檣
賈生抗疏年猶少杜老題詩憂未忘
已媿昔賢真不逮比聞時事轉堪傷

宿宣風公館次王陽明韻

石梁潦水靜依痕
雲碓斜衝沙港渾
寒葉墮林迷徑路
暝烟生野失山村
歸心遠客秋偏劇
望眼高堂日又昏
厭聽候蟲眠旅館
坐燒官燭吊吟魂

離京寄東省僚

朔風獵獵鳴燕關
小臣歲暮辭天顏
壯氣遙凌豺虎窟
離心乍遠鴈鴻班
銀鞍曉渡盧

溝月寶劒夜照青羊山題詩古驛寄同省春
日徐看振珮還

良鄉公館次毛東塘壁間韻

坐看龍劒動星文永夜孤城擊柝聞野迥呼
號驚朔吹庭空蕭索蔽寒雲新詩吟苦真成
癖濁酒禁愁不易醺轉憶鳳凰池上侶天涯
冰雪嘆離羣

良鄉次樊述菴韻

薄暮褰帷河上來背村城郭暝烟開天寒遠
塞風霜急歲晏長途車馬廻北闕九重懸
日月西山千仞倚樓臺每緣公事違心賞却
賴詩篇銷客懷

固城道中用韻懷京朝諸友

佳節清明明日是固城風雨使車過北來草
色饒燕地南去山形遶汴河萬里獨超邊徼
遠百年長抱客愁多故人回首黃金闕春日

齊鳴白玉珂

至定州

土橋十里連沙河定州城中塔嵯峨我行燕
趙風日好路入梁楚關山多每欲登臨寫長
賦更覺慷慨聞悲歌燕昭樂毅久蕪沒感今
吊古傷如何

次武清東樊侍御張戶部

把燭暝投西水驛登輿曉望東安城一年道

路環畿甸十月旌旗過武清霜氣迥隨驄馬
至陽和偏傍地官行天清野曠饒回首落木
寒雲倍有情

渡渾河

桑乾河邊沙草黃居庸山色暮蒼蒼魚龍水
落洲渚靜鴻鴈天高關塞長孤城紅日漸欲
下古寺白塔遙相望波濤滿眼缺舟楫何處
渡頭橫野航

房山縣與樊張二子夜坐

房山落木孤城裏短燭清談每夜深朱檻風
過交竹響重簷月轉亂松陰腐儒盡日淹公
事僊侶同居慰客心西望樓臺增想像東歸
車馬定登臨

房山野望

南瞻北闕紅雲近東望西山翠靄遙侍從幾
回閒劒珮登臨何日駐旌輶天清曉郭千鴉

散霜淨寒空萬木凋誰使閭閻還寂寞不堪
關塞更蕭條

房山夜宿

谷口霜風聞怒號燕山落木正蕭蕭極知節
物催遲暮賴有音書慰寂寥退食久違青瑣
闥夢魂長在紫宸朝中宵北望天應近明
發東歸路未遙

悶城次范侍御以載韻

亂峰高館入殘陽獨客南征憶故鄉衣上風塵
京路盡望中烟雨楚天長三年夢遶孤雲白萬
里哀傳片紙黃總爲君親難報稱敢於奔走念
垂堂

過桐廬縣

潮平風正布帆輕舟入桐江晚更行山到富
陽隨處好水經嚴瀨過來清僊鄉草木千年
地古邑絃歌百里聲却憶先君曾按部蓬牕

徒倚不勝情

次浙江驛壁間韻

年來谷口學躬耕
終卧烟霞笑未能
江上潮聲猶駭客
耳邊春鳥自呼名
故交漸覺青雲少
多病偏催白髮生
東道主人有梅國
西湖幾日醉蘭陵

瓜州次張侍御珮玉韻

秋風河上逢君日
夕雨燈前對客時
石埭芙

蓉空自老水鄉楊柳苦低垂百年世事堪流
涕四海交情柰別離總爲高懷忘逆旅江南
江北意俱遲

與蔣道長飲陸源靜舟中

石佛舟前閘水枯芳尊邀客坐呼盧野風吹
衣暑氣迤河月入簾清夜徂林壑幾年思
聖主江淮兩月共修途秋官柱史今豪雋潦
倒真慚舊省廬

遊覽二十五首

題平臺山

東山山口衆山前百尺圓峰一水環瀛海蓬
壺真宛宛鴻圖寶籙自綿綿勝跡昔因皇
祖駐嘉名今爲聖人傳平臺御墨光千祀
磐石天宗歷萬年

題陽翠嶺

天造茲山自邃初登封今日奠尊居陽岡特

聳超千嶺秀水交流納百渠翠色龍葱含
御氣嘉名照耀啓宸書黃旗紫蓋憑高處
鳳舞龍驤畫不如

過功德寺

山雪湖水相應寒松門長繞雨花壇風幡迥
倚諸天靜湖海空留色界寬王帶也須逢寺
解金函還許借經看五雲回首趨朝急獨坐
毘盧一倚欄

過雲溪洞

山下清溪洞口雲山風吹雨晚紛紛潭深實
有蛟龍窟穴暗虛疑虎豹羣匝地垂蘿烟霧
合叅天稠木翠微分炎天赤日堪消暑青簟
銀床傍酒尊

登長春觀昊天閣

萬壑千峰紫氣重中天新起碧霞宮僊人遙
下雲霄迥上帝高居日月通金玉九關羅虎

豹丹青四壁走蛇龍曲欄飛檻虛無裏蓬水
琪園在眼中

登黃鶴樓

黃鶴仙人載鶴飛白雲樓閣枕漁磯烟波風
日無今古城郭人民有是非題詩崔顥不可
作芳洲之樹仍依依鄉關戎馬堪流涕獨倚
朱闌送落暉

仲冬同樊侍御張地官遊房山龍泉

洞三首

出郭旌旗遠映空過雲巖壁靜含風溪流細
逐沙村轉石磴斜縈嶺樹重使節即看移日
下朝衣也合到山中休言奔走傷心在遮莫
登臨笑口同

萬山迴合路縈紆旌騎登臨入畫圖洞古每
聞龍變現樹深時有鹿相呼巖通碧水清無
極塔倚丹厓迥不孤高閣獨吟生遠興夕陽

誰遣下平蕪

入谷松雲拂憶低
出山嵐氣更淒淒
玄冬古洞龍蛇蟄
落日空山虎豹啼
沙磧旌旄寒照野
霜林燈火夜臨溪
勝遊賴有同心侶
發興還畱盡日題

河南文場明遠樓次毛汝礪韻

遠道南征淹獨館
層城西畔見高樓
平臨山嶽長河曉
迥入雲霄桂子秋
柱石自成廊廟

具鳳鸞須向網羅求萬方多難逢多病安得
憑欄銷我憂

次范明府

江上龜峰玉笋生倚樓終日看山情一尊每
盡風前暮百里常看雨後清地憶舊遊無俗
侶常與二汪太史同遊巖題新句有希聲石巖刻有李空同詩絕妙
殷勤爲向蘇山道三十六峰俱有名

平遠臺次許黃門韻

禪房深處背層臺
素壁陰陰盡綠苔
梅屋靜依雲石古
竹牕低傍水泉開
地偏諸客尋幽到
坐久高僧出定來
竟日留連歸騎晚
也須取醉習池回

奉陪李提學高分巡遊溪南

寒日初晴嶺樹分
登臨隨處藉清芬
細聽南澗懸崖雨
高步東華絕頂雲
霜燒綠溪紅灼爍
野烟生地白氤氲
吟鞭指點歸來晚
泉響

松聲萬壑聞

奉次空同過象山書院韻三首

王節堂堂渡晚溪
高峰寒日上淒淒
荒祠歲晚羞蘋藻
斷碣苔深隱篆題
千古勝遊追杖屨
百年正學藉階梯
臨風重灑淋漓墨
幾夜嵯陰鬼魅啼

千尋峭壁俯清溪
野竹含風弄晚淒
祠下幾年無過客
嵯前此日重留題
未逾滄海難忘

楫欲步丹霄信有梯
悵望講堂荒草合日斜
惟聽鳥聲啼

水碧沙明竹繞溪
仲冬風日正淒淒
山川光寵憑新賞
祠屋荒涼認舊題
寒瀑細分雲竇雨
層崖高掛石門梯
乘閒更欲攜樽酒
巖樹香中聽鳥啼

次撫州陳太守汝昌登玄穹閣

城上僊臺映碧穹
城陰僊閣紫烟中
江湖縹

木外集卷之二十一
二二
緲含餘景旌旆飛揚受遠風千古高情還對
酒一時豪興欲吞虹自公多暇來遊此幾度
冠裳見肅雍

春日與諸子冠山北望

北斗神山峰突兀金沙石鼓水縈迴孤城樓
閣千家出一望風烟百里開江上早春初變
柳村中殘雪尚含梅登臨不覺愁顏破與客
何妨逐日來

遊僊巖

玉洞靈巖天下稀
丹霞赤霧望中微
古藤裊裊猥猥接遠水
悠悠鷗鷺飛
十里風烟迷客棹
半厓花竹隱僧扉
此中似有尋真路
塵土何年遂拂衣

遊僊巖入舟

冬日移舟江路紆
風烟迢遞接蓬壺
錦袍玉帶同僊侶
碧嶂丹巖入畫圖
岼嶇遶隱林紛列

騎浪翻寒水亂飛鳧石門西下通真境短棹
清尊興不孤

三峰亭觀漲

山閣雨聲連夜急曉看新漲一江平樓臺忽
訝波心出舟楫真如天上行春水魚龍爭變
化晚空鷗鷺自分明乘槎劇動滄洲興倚檻
偏多江漢情

登金山寺次鎮江林太守韻

一上茲丘眼陪青坐持茗碗味中冷山浮碧
王天餘巧地布黃花佛有靈好句細看前輩
在劇談仍許老僧聽晉雲高處凭闌久攬盡
風烟是此亭

奉陪陸儼山先生登太白樓

城上高樓亦壯哉百年臨眺好懷開泰山雲
氣中原起洙泗源流闕里來地主幾逢狂客
興風流今見謫僊才同遊述作輸陶謝日暮

詩成首重回

遊上天竺次邃翁元老韻

捫蘿詰曲歷崔嵬
玉削芙蓉面面開
白日老僧初出定
仲春有客到山來
林深祇樹雲霞遶
地迥諸天日月迴
世上宰官元是佛
洞門猿鶴莫驚猜

九里松道中

百盤雲磴入千峰
飛蓋行穿夾道松
長晝風

雷驚虎豹半空鱗甲舞蛟龍江濤夜合秋聲
壯湖雨春添黛色濃欲籍丹青圖直幹恨無
韋偃得相從

邊塞二首

清平道中見蔡少叅霞山平苗後磨
崖大書

落珠泉上停驂久鐵筆丹崖一壯哉賓服首
通持節使太平元伏濟時才扶標日月中天

並燕勒風塵萬里開
賴有諸君能戮力
喜看千羽舞虞階

清平喜諸公平香爐山苗功成甚偉

次壁間韻

鑪嶺兵戈有歲年
竟憑大舉定窮邊
輟螳敢抗千鈞壓
穴鼠真成一火然
忽見羽書馳曉闕
盡銷金甲事春田
艱危實藉英雄力
砥柱西南半壁天

桂洲詩集卷之第十六終